

# Zattheih Thunget



## SABBATH NITAAK

**Tu Kaalsung Simding:** *1Kumpi. 19:1–18; Matt. 6:5–8; Luke 11:2–4; Matt. 6:5–15; Dan. 9:4–19; Rom. 8:26, 27.*

**Kamngah:** “Banghang hiam cihleh nangmah in sihna panin ka hinna nong honkhia a, Ka khitui hong nulsakin, ka khete na kupal khasak kei hi.” (*Late 62:8, ZSV*)

**N**a thunget nundan koibang hiam? Bangzah vei thungen, bang deihna nei in ngen, bangciang lam-en maw? Nisim in thungen maw? Phatmawh hunciang bekin ngen maw? Na thungetnate in ngetna bekma maw, Pasion zong na phat kawm hiam?

Nikhat nasepna nakuankhiat ma, an nanekma in zingsang thungetna peuh nanei hiam? Anai anai in thungen pawl sungah kihel in thungen tawntung pawl nahi hiam? Na nunna sungah na khempueh hong laihsak thei Pasion ompihna nan gah ngei hiam?

Thungetna in lengguipi Zeisu le lenghian eimah kizopna ahi hi. “Eite nungta in a dawng nuamte in a Nungta Guipi panin atui dawn tawntung ding hi a; Guipi tawh kikhen nakleh thahatna neilo hi”—Ellen G. White, *Early Writings*, p. 73.

Tua in Ama’ sungah omna thupha ahi hi. Pasion in eite hong za in; a hunlap in Ama’ lampi tawn in hong dawngzel a – eima’ lam-etna bang lianlian hi selo hi.

Tu kaal sungin, Lai Siangtho sungah thungen mimalte le amau’ thunget dan in eima nisim nunna hong thapia thungetna ahihna kisin ding hihang.

\*May 16, Sabbath ading kiginkholhna in tu kaal lesson sim in.

## Elijah—Haksat Hun in Thungen

Citakpa Elijah in Ahab hun gitlohna sungah omkha a “Ahab in ama’ maiah om kumpite khempueh sangin; Israel Pasion Topa hehsakna ding tam hihzaw hi” (*1 Kumpi 16:33*). Ama’ nunsung mahin a ciapteh taak khat in Carmel mualtung ah kimaitang tuah na khat hong piang hi (*1 Kumpi. 18*). Tua thupiang a sangpenna ah Ahab leh ama’ gam in Pasion in thungetna dawng takpi cih mitmuh uhi. Israel tangthu sungah mangngilh theih loh leh lam-et lohpi in kikheel vatna thupiang a hi hi.

**Simin, 1 Kumpi 19:1–18. Elijah’ thungetna le Pasion in amah tawh a holimna teng en phadiak in. Elijah’ lungkiatna bulpi bang hiam? Pasion’ dawn’kikna in Carmel mual tunga tawh koibang kilamdang hiam?**

Nikhat sungteng, Elijah’ thungetna khempueh Pasion in dawng kim ahih manin, kamsangpa lungsim, ngaihsutna le taksa mahmah kilaamsang hi. Tuani in Elijah in gualzawhna lianpi khat ngah hinapi; tawmveino sung mahin, gentheihna, sih ding launa in Pasion sungah a upna a zo gawp sak kha hi. Hih tangthu sungah a kitelcian mahmah thukhat in, Elijah in lungkia dikdek in, a lungsim tha a beidikdek laitak in, Pasion in lungnem takin hong tuaksuk in an leh tui hong vaihawm sak a (*1 Kumpi 19: 5, 6*), sun 40 leh zan 40 a sawt hi (*1 Kumpi. 19: 8*). A tawpna ah Pasion in zong Amah a kipulaak ciangin, nidang aa tawh hong kibang nawn hetlo hi.

Khatveivei ciangin Pasion in munkim pan in tangtak, vangliantak leh nialtheihloh zah in hong dawng thei hi. Tua in zong upna hong thakhauhsak in, eima’ nunna sungah Pasion hong naihna zong hong theisak hi. Khatveivei ciangin lah ze-etna i thuak ciangin, kiliing hetlo in Pasion sungah upna neih ding khawng haksa peuh kisathei hi.

Pasion’ ngaihsutna leh a lampite in, eite a sangin sangzaw cih zong, phawk khalo in ei’ lam-etna bangin hong dawn ding khawng lam-en khathei hihang (*Isa. 55:8, 9*). Pasion bawlsa nate ei telzawhloh tapi a om mahbang in, Pasion’ lampite zong i tel zawhloh pen zong a lamdanglua zong hikhollo hi.

**Pasion, ei’ adingin ahoih adik i Pa in, i kisap mahmah nate thei hi. Tuata khempueh tungtawn in Amah muang in Amah koi bang in mitsuan thei ding i hiam? Tu mahmah in Amah hopih in.**

## Thungetnate Hong Kidawngloh Ciang

Nakhat a ding sawtveipi a kum kailiang in thu nanget khin in zong Pasion in hong dawnglo bang hithei hi. Lai Siangtho in “ngen un hong kipia ding hi” (*Matt. 7:7*) “Ama’ deihna tawh kituak in i ngetleh” (*1 John 5:14*) cih. Hih kamciam na koici tel hiam?

Hannah in thu khat tangtawh in thungetna ah, etteh huai nu ahi hi (*1Sam. 1:10-17*). Acil lamin Pasion in ama’ thungetna dawnglo bang keek hiphot napi, ngen tenton ahih manin, Pasion in a hunlap in Ama’ deihna tawh kituak in dawng hi. Khatveivei ciang in i ngak khakna in Pasion tawh kikhawlhna thuksak in, Amah hong muang sakzaw hi.

Late 62:8 sungah “Mite aw, Amah muang tawntung unla, na lungkhamna tenguh Ama’ tungah gen un. Pasion in eite’ bukna ahi hi” cih. Muang. Eima’ thungetna hong dawnpah loh ciangin Amah’n a hoihpen thei hi cih i muang beek hiam? Ama’ hun cin ciang le Ama’ lampi tawnin hong dawng ding cih i muang hiam?

Khatveivei ciang, i thungetnate pen, ei’ deihdan le a manlang thei thei le ei’ lam-etna bangin hong kidawng mello hi. Hihthu tawh kisai Lai Siangtho in koi bangin ngaihsut hong pia hiam?

- **Nang’ deihna hilo, Pasion’ deihna zong in** (*Matt. 6:10; 1 John 5:14, 15*).
- **Na ngiimna tupnate ngaihsun in.** (*Pau. 16:2; James 4:3*).
- **Zongsat mawhna nanei hiam kisittel in.** (*Late 66:18; 1 Pet. 3:12; Pau. 15:29*).
- **Pasion le Ama’ Thu sungah om in** (*John 15:7*).
- **Na thunget ciangin upna nei in** (*Heb. 11:6; James 1:6; Mark 11:24; Matt. 21:22*).
- **Na lungsim kiniamkhiat maw, kiphasak ngaihsun in** (*James 4:6; 1 Peter 5:6*).
- **Thuak haat in** (*1 Thess. 5:17, 18*).
- **Mi’ mawhna maisak in** (*Mark 11:25, 26*).
- **Pasion in nakhempeuh mukhin a, eima’ a ding ahoihpen thei hi** (*Rom. 8 28; Eph. 3:20; Jer. 29:11-13*). **Khatveivei ciangin Ama’ hong dawnna pen Paul a dawnna bangin “Ka hehpihna in nang adingin kicing hi”** (*2 Cor. 12:9*) **cih hithei hi.**

Dawnlohna in hong nutsiat thungetnate pen ei’ dawnkikna in eima’n Pasion i muhdan tawh kizui hi. Pasion in gamlapi a om in hong donmello cih muhdan i neihleh, Amah tawh kikhawlhna thanem ding hi. Tuabang hun ciangin Ama’ hong donna leh hong itna, Lai Siangtho sungah zong inla, Pasion na mukhialhna teng, hong siangtho kik dingin thungen in.

## Zeisu in Thungetzia Hong Hilh

Zeisu' hunlai in, thungetna pen sau in, siamna tawh a kiphuak tawm kammal hoih nonote khawng lotngahsa in sim duatduat liang uh hi. Zeisu in tuabang thungetnate ahoihna genlo hi (*Matt. 6:5-8*). Tua bange pen biakna um mahmah kineihna lahna pawl hilel hi cih.

Nungzuite in zong Zeisu' thunget mu uh a, Ama' thungetna in Ama'nunna ahih zong thei uhhi (*Luke 5:16; 6:12; 9:18; 22:41; 24:30; Mark 1:35; Mark 6:46*). Zeisu a et kawmun, amau' biakna makaipite tawh kibatlohna mu uha; amau' ngaihsut sangin thunget ding tamzaw tham cih mukhia uhhi. Tua ciangin nungzuite hongpai uh in Zeisu kiangah, "Topa aw, thunget zia hong hilh in" (*Luke 11:1*) ci uhhi.

Zeisu in Ama' nungzuite leh eimah zong nisim i kampau nate mah tawh thunget theihna dingin limhoih honglak hi. Thungetna peuhmah lungsim tawngpan hi hamtang ding cih.

Luke 11:2-4 le Matt. 6:5-15 sim inla, a nuaia Zeisu' hong hilhnate phawk in:

- **Vantunga om kote' Pa:** Mi khempeuh' Pa tawh mimal kikhawlhna kipsakna.
- **Na min siangtho taken:** Pasion' sianthona in eite' zahtakna piang sak cih kipsak.
- **Na gam hongpiang taken:** Pasion hong kumkik ding le Kha Siangtho hong teen ding lunggulhna.
- **Vantungah adeihna akicin bangin Leitung ah kicing ding:** i' nun na sungah Pasion' deihna hong kicingsak ding ki-aapna, Ei' deihna peuh ngetziau lel sang in Amah'n a hoihpen thei cih upna.
- **Tuni khamkhop ding an hong pia in:** Nuntak khopna ding kul kisam bang ngetna, taksa a ding anlehtui, kha ading Zeisu le a nungta Ama' Thu.
- **Mite' mawhna ka maisak bangun, ko' mawhna zong hong mai sakin:** Kisikna, mawhmai na'ng zong, Pasion in hong maisak bangun hong sukhate zong maisak ding thei ding.
- **Ze-etna hong thuaksak ke'n, gilopa kiangpan hong honkhia in:** Leitung gitlohnate khempeuh pan kepcin ding ngetna (*Late 91*).
- **Ukzawhna, vangliatna, minthanna neitawntung ta in:** Amen: Eimah, i neihsate le na khempeuh Pasion aa hi-a, Amah bek phat taakcing cih theihna (*1 Khang. 29:11*).

**Thu tawmbek ngetna khawl zaw in, zingsang simin na lawm it khat tawh na kiho bangin Pasion tawh kiho lo ding na hiam? Hih ding theihsa gige, bangin hong daal hiam? Zeisu hong sapna bang in tu mahmah in thungen in.**

## Phatna, Pulaakna, Thuumna, Lungdamkohna

Thunget zia Zeisu' hong hilhna bangin, thu paizia teng tawh Pasion' kiangah mimal, innkuan, pawlpi in kizuan thei a, tua holimna pen lawm khat tawh holim bangin Pasion tawh kihona ahi hi. Zeisu in thunget zia ding hong hilh khin hinapi i thungetna te sungah ngetna vive tawh kidim zel hi.

### **Simin, Daniel 9:4–19. Daniel' thungetna sim inla a tuam pianna teng zongin.**

Na thungetna sungah a nuai-a teng na hel hamtang ding ngaihsun in:

**Phatna:** Phatna cihpen Pasion omzia leh Ama' omzia pulak pahtawina ahi hi. Pasion phatna lahoih Late 100 simin. Pasion' min tuamtuam teleh Ama' omzia lungngai in. Na Tankhiapa, Honpa, Huhpa, Damsakpa, Tuucing Hoihpa, Alpha leh Omega leh Suangpi a hih manin phatna pia in.

**Mawh pulaakna le Maisakna:** Pasion tawh kiho in Ama' sungah i om ciangin, Amah tawh hong khenkhia thei nakhat peuhmah in hong kaikhia zo nawnlo tahi. Amah tawh ki naisemsem leng, eima ginatlohna leh kilawmlohna mupha semsem hihang. Tua mahin ei' mawhna teng hong hepkhiat sakding hong ngensak in Amah hong suun nuamsak hi. Ei' mawhna hong maisak ding i lam-et leh, midang te zong maisak sawm ding hihang. “Khatlekhat tungah na mawhna uh kipulaak in, thu naki ngetsak ta un. Mihoihte thungetna in vangnei a, na lianpi semzo hi” (*James 5:16*).

**Thuumna:** Na innkuan, lawmlehgual, cidamna, sumlehpai, nasep leh sangkahna ah bang haksatna maingat nahiam? Koisantak lian ah Pasion' makaihna khut lunggulh pen nahiam? Nang' huhna kua'n kisam a, koici huhthei ding na hiam? Hibang mite a dingin thungen inla, Pasion' deihna a picin ding ngen in.

**Lungdamkohna:** Philipi 4:6 sim inla, na nunsunga na thupha saan teng simkik in. Na thupha lianpite na simcha zelzel ding ahi hang, thupha nengneng na saansa te eleh? Eite in Pasion' hehpihna a saangden hinapi hi taleng, pulaakna mel zong kineilo, lungdamna zong kiko mello lel hi.

**Pasion phatna napiak nading, mawh napulak ding nan get ding leh lungdam nakoh ding bangteng omhiam? Tu mahmah in hihlo ding maw?**

## Thungetna tawh kisai Dotna Dangte

**Pasian theihkhitsa khawng bang ngetnget kul?** Pasian in na khempeuh thei hiven nget kul lai ding maw? Ellen G. White in, “Ei’ dinmun khawng Pasian kiangah pulaak kul samlo a, Amah i saan theih ding bek ahi hi. Thungetna in Pasian hong paipih suklo zaw in, Ama’ kiang hong paipihto zaw hi”—*Steps to Christ*, p. 93. Pasian in ei’ deihna le kisapna thei-a, i lung’ geelna khempeuh simkhin zo hi. Nisim nasep buai nianuana lakpan tawm veino khawlpak in, Pasian lianbel a, nakhempeuh Ama’ khe nuai-ah koih cih phawk dingin hong deihsak hi. Tuabangin hong hihsak ding Pasian cial peuhleng Amah’n lampi hong honsak thei hi. Eima’ thunget ding zia nangawn i theihloh ciangin Kha Siangtho in hong palai sak hi (*Rom. 8:26, 27*).

**I hoihkim teknakleh banghang thungen sese?** Eile eimah kicing sakna pen kiphatsakna hi (*sinna 3 enkikin*), a thahat thungetna in nun dan hong daalthei thu lianpen hi. Pasian i kisapzia theitel hi peuhmah leng, Ama’ kiangah naipai mahmah ding hihang. A picing vanmite in zong bia uh ahihleh; ei mawhnei mite lellel, kizam sakloh nading bang om? *Matt. 5:6* le *Isa. 44:3* in hih thumaan koici gen hiam?

**Thungetna sungah upna in bang mapang hiam?** Hebrews 11:6 sim inla, athu teng ngaihsun in: “Thungetna’ lawmhoih in upna hi a, kisin khawm ding hihang. Thunget na sungah vantung’ pilna om hi; tua pilna a neimi in, ama’ nunsung nasep gualzawhna dingin telcian kul hi. Khazih in “Nakhat peuhpeuh nanget uh ciangun ngah ding cih lam-en un. Tua hileh nanget peuhpeuh uh nan gah ding uhi” (*Mark 11:24*). Pasian’ deihna tawh kituakin i ngen ding a; i ngah peuhmah zong Ama’ deihna bangin zangkik ding hi. Ahun zong lem linlian, kamciam zonglah hong piaksa ... thupha saanna ding in a puatham teci peuh zongzong lo ding hi”—EG. White, *Education*, pp. 257, 258.

**Kuatawh thungen ding?** A tamzaw mimal thunget kul a (Pasian le nang) thungetna le Lai Siangtho simna pen Pasian tawh kizopna sisan ahi hi. Pasian tawh nakiho kawmin nangma lungsim na sittelna dingin hun latuam in (*Matt. 6:6*). Innkuan tawh ahi a, pawlneu tawh ahi zongin thungen in (*Sawl. 12:12*). Nihle thum kikaihkhopna mun ah Pasian om hi (*Matt. 18:20*). Pawlpi kipawlna tawh thungen ding hi hang (*James 5:13-16*). Hih thungetzia a nam thum mahin thupi hi.

**Koibang in ngai ding?** Thungetna pen Pasian tawh kihona sangin sangzaw hi: Ei hong zuun dingin phalna pia in i nunna sungah pausak ding hihang. A tunga bangin hihtheih nadingin Lai Siangtho simna le thungetna gawmkhawm ding hi. Lai Siangtho simzawlo in, na lung sim awngsak in nangma ngaihdan peuh tawh hih mawmawk kei in.

**Atung-a thute lakpan koipen in nang hong topen hiam?**

**Ngaihsutbeh Ding:** “Eimah kikhual selo in Zeisu’ thu tam gen zaw leng, Ama’ hong ompihna zong tam semsem lai ding hi”—Ellen G. White, *Steps to Christ*, p. 102.

“Upna omlo in, lunghianna leh launate tungpan ngaihsutna la in, khua mulo pipi in nakhempeuh na siansuah nopleh, na lungsim buaina khangin thuk zawsem ding hi. Eima dinmun mahtawh kiniamkhiat in muanna tawh Pasion kianglam zuan lecin; eima’ lungdeih teng a theikhin sitset, Ama’ piansak sate mugige in, Thu tawh nakhempeuh a uk Topa kiangah, upna tawh i vanaih ciangin, eima kahna awte Amah’n hong zaksak ahil manin, Ama’ khuavak in eima’ lungsim sungah hong taang hi”—*Steps to Christ*, pp. 96, 97.

“Phatna kha tungah eima’ kha tuangto in vantung naihthei hi. Vantung ah zong Pasion pen la leh tumging tetawh kibia a, eite’n zong i lungdamna i pulaak uh ciangin vanmite biakpiakna sungah akihel bang kihipah hi. Zahtak lungnopna le lungdamkohna la aw tetawh Piangsakpa’ mai ah hongpai un” Isaiah 51:3.—*Steps to Christ*. p. 104.

### Kikupding Dotnate:

- ① Atunga ngaihdante lakpan koipen in nang hong khoihkha pen hiam? Koipen in nang hong topen naci hiam?
- ② Lai Siangtho sunga midangte thunget nundan panin bang pilna ngah Nakisa hiam? (*Ezra 10:1; 2Kum. 13:4; Jon. 4:2, 3; Hab. 3:1; 2Kum. 19:14–19; Jer. 32:16–25, Neh. 1:4–11, 1Kum. 8:22–54*).
- ③ Thungetna sungah antanna in koimun panin maa hongpang hiam?
- ④ Tu kaal sinna hangin, na thungetna nuntakna sungah puah phat nop, ahikheileh zat thaknop thu thak khatpeuh na nei hiam? Bang hangin kikheelna bawlo hiam?

**Tomkaihna:** Lai Siangtho sungah thungetna nuntakna anei a thahat, a kip a nei mite le a neilote tangthu kigelh hi. A laimai-te i kan ciangin, Pasion tawh i kizopna dinmun bangbang himahleh, i kizatpih theih ding mi khat peuhpeuh i mu den ding hi. I biakpiakna nuntakna sungah tha hong pia-in, hong makaih ding thuciam tampi zong i mu ding hi. Kha lam a khantohna pen i ngimna hiding hi— i mitte Zeisu tungah nga in, amah pen khempeuh ah ending thupipen le i upna a bulpi ahi hi.

## Maasai Mite tungah Lametna Pia

Kenya gam a kum 16 a pha Maasai tapa Rompas in tui a kiphum khit ciangin sang kah ding khensat hi. Bangmah dang sangin, amah in Lai Siangtho amah le amah sim theih ding a ut pen hi.

Ama in a pa le a sanggam 82-te lakah a tamzawte kiang pan khaamna tuak a, amau in Maasai tapa khat in pilna sin ding thupi salo uh hi. Ahi zongin Rompas pen a innkuan sungah middle sang le high school a man masa pen suak hi. Tua khit ciangin, Uganda gam a SDA sangpi khat ahi Bugema University ah biakna lam (theology) sin dingin khensatna a nei hi. Ahi zongin sum a kisam hi.

Nitak khat, amah mah bangin Sabbath a kem a sanggamte a sam a, Uganda gam ah zin-in Bugema University ah lut nading a nget theih nadingin Kenya shilling 7,000 a ngah nading thungetsak dingin a ngen hi. Rompas soal tung-ah khukdin in unau teng in thungen uh hi. "Amen" a cih khit ciangin, kong hong kikiu hi. Rompas' pa a hong mu pen Alex kici kumpi thunei khat ahi hi. Kiteel hun ciangin Rompas' te pen innkuan lianpi in vote tampi a neih manun kumpi thuneite hawh nuam sa uh hi. Hih kumpi thuneipa pen Adventist khat hilo a, dotna lamdang khat a dong hi: "Hih innkuan lianpi in pastor nei maw?"

Rompas pen naupang lai-a "Pastor" kici-a minvawh naupangpa bang in Alex tawh kimeeltheihesak hi. "Na kisapna lianpen bang hiam?" ci-in Alex in dong hi. "Uganda gam a om Bugema University ah university degree khat ka ngah kul hi." Alex in a ip sung pan Kenya shilling 15,000 lakhia-in Rompas pia hi. Tua pen Rompas in thungetna ah a nget zah nih sangin tamzaw hi.

Rompas Uganda gam ah zin a, theology sinna ah kisang hi. Tua khit ciangin sang kipat hun ngak dingin inn ah ciah hi. Ama inn tun ni mah in, Alex hawh kik leuleu hi. Rompas sang ki-ap cih kiza ciangin, amah in US dollar tawn khat pia hi. Rompas in US dollar a len ngei nai kei hi. University ah kum thum sung sang kah nading a kicing hi.

Tu-in, Rompas Josphat Lekishon pen mission nasepna lungtang a nei Adventist pastor khat hi. Ama hanciamna tungtawnin pawlpi guk SDA hongsuak khia hi. Ama in Adventist Pawlpi tung ah a piak khiat a pa' leitangh mun khat ah biakinn khat zong honna nei hi. Innkuan mi 33 in Sabbath ni simin tua lai-ah biakna pia uh hi. Ama in Maasai mite tungah



Zeisu hongpai ding lungdamna thu gen ding nuam sa hi. Ama in Maasai pau-in Lai Siangtho bu 500 val hawm khia khin hi. "Ka thupi bawl penpen le nuam kasak pen in Maasai mite kiangah Lai Siangtho piak ding ahi hi," ci-in amah in gen hi. "Hih in lametna neilo mite kiangah lametna piakna ahi hi."—*bit.ly/Rompas-IS ah Rompas YouTube video en in.*

**Khen I: A Huamin Etna****Thubulphuh:** *Late 62:8***Lungngaih Ding:** *1 Kumpi 18, 1 Sam. 1:10–17, Matt. 6:5–15, Dan. 9:3–19.*

Thunget cihpen mi khempeuh kikap hi. Ahi zongin i thungette Pasion in a dawnglo tawh kibang hi. Late bu pen Pasion' dawn' ding mihing' lametna tawh kidim thungetna labu hi. Gentehna in Late 62 bang pen Pasion' dawn' ding a ngak mihing gam daihna tawh kipan hi (*Late 62:1, 5*), tua khitteh mite kiang ah Pasion muang suak in thungen "tawntung" (*Late 62:8*) dingin cial hi. Atawpna ah Pasion in dawng ding hi cih tawh khup hi (*Late 62:11*).

Nung kaal in, thungetna pen bang hi-a khalam thupiiitnate kankhin hi hang. Tukaal ah bel Lai Siangtho sung-a mite' thunget Pasion in za'-in dawng hi cih thungetna a ngah takpite' thu en ding hihang.

**Khen II: Hilhcianna**

**Thupatna:** Thunget thalawp nading in Lai Siangtho sung panin mi thum kiteelkhia hi. A khatna pen Hannah hi (*1 Sam. 1:6-17*) ama' thunget pen lunggimna tawh kipan-in lung nopna tawh tawp hi (*1 Sam. 2:1-11*). Anih na pen Elijah hi, Carmel Mual ah Pasion le Baal kikaal kidemna-a a thu nget pen teci hoih mahmah khat hi (*1 Kum 18 – 19:18*). Athumna pen Daniel hi, amah'n Topa kiang ah kiniamkhiat in lamen kawm in thu ngen hi (*Dan. 9:3 – 19*).

**Lunggim le lungnuam in thungetna: Hannah (*1 Sam. 1:6-2:11*).** Hannah' thu pen khanggui gi'na nei (*1 Sam. 1:1*), Pasion kihtapa' (*1 Sam. 1:3*) thu tawh kipan hi. Hihtak ah Shiloh-a biakbuk ah na asem Siampi Eli ii tapa nihte thu kigen hi (*1 Sam. 1:3*). Eli mahmah pen biakbuk lutna kong ah tu hi (*1 Sam. 1:9*). Ahi zongin tangthu pen ta ciing (*1 Sam. 1:6*) Hannah' thu hizaw hi. Lai Siangtho in Hannah in thu nihvei ngen ci hi (*1 Sam. 1:10, 11; 1 Sam. 2:1-10*). A khat veina pen "a lungsim na mahmah" (*1 Sam. 1:10*) man-a thu ngen hi. A lung gim laitak in Topa'n a dawng kik dingin ngen hi. Anih veina thu a nget ciangin Hannah' thungetna pen Pasion in a dawn'na tung ah lungdam suah khiatna hi. Lai Siangtho ah thu ngetna tawh kisaite dawk mahmah hi: "thungen" cihleh thunget tawh kisai "ngen," "thungen" cih dante sagih vei dawk hi (*1 Sam. 1:10, 12, 17, 20, 26, 27; 2 Sam. 2:1*).

**Lungsimna-a thungetna:** Hannah' thunget masak pen lamet bei man -a kipan hi. Amah pen lungsim bei-in an ne zolo in kapkap hi. Topa in a nau bu khaksak ahih manin Hannah in ta nei theilo hi. Ta a ciin' manin inn sung ah mai mial-a, Topa' inn ah kum sim a pai ciangin zi dang khat in Hannah na phin hi (*1 Sam. 1:7*). Eli in zong a thunget na paktalo lai hi. Amah'n Hannah pen thu a nget ciangin aw kizalo, muk bek phun suau suau ahih ciangin zu kham peuh nasa hi (*1 Sam. 1:13*). Bangbang hitaleh Hannah lungsim na a sakna pen lametna lam ah kikheel hi. Tua hangin amah dah nawnlo-in an neta hi (*1 Sam. 1:18*).

Hannah in a lamdang in Samuel a suahna ah Sarah, Rebekah, Rachel thute hong phawk sak hi: "Topa in phawk," "Hannah gai" (*1 Sam. 1:19, 20; Pian. 21:1; Pian. 30:22 te tawh saikaak in*).

**Lungnuam-a thungetna.** Hannah' tangthu pen lungnopna tawh khup hi. Tu'n Hannah pen gen'thei nawnlo, guaksuak nawnlo hi. Amah pen tun' a pasal tawh a thunget a ngah Eli kiang a nusiak (*1 Sam. 1:26, 27*) a ta tawh Topa' inn ah a bia a paai dingin hongpai ta hi. Hannah ii thunget nihna pen lungsim na sa-a a thunget masak tawh kibang lo ta hi. Thu a nget masak lai-in ah amah pen lungsim na sa-in kap hi, thu a nget thak na ah bel Hannah pen nuam sa-in Topa min thang sak hi. Hih thungetna pen Messiah thu genkhohlna zong hi pha in Mary' taangko na ah kimu thei hi (*Luke 1:46-55*).

**Agamlum le a gam dai thungetnate: Elijah (*1 Kum. 18-19:18*).** Isarael gam ah guah zuk loh kum thum valta hi. Tualeh Elijah zong kumpi Ahab to hi (*1 Kum. 18:19*). Elijah le Baal kamsangte Carmel mual tung ah kimaituah uh hi. Elijah in Baal siampite kiang ah a mau lamsa biakna tau ah amau pasian in mei a khiat suk dingin thungen sak hi. Elijah zong ama' lamsa biakna tau ah Topa'n mei a khiat suk ding in thungen ding hi (*1 Kum. 18:24*).

**Baal kamsangte' thungetna kidawnglo.** Baal kamsangte'n thungen uh hi. A pasian uh tamvei lak samsam uh hi – 'Baal aw, kote hong za in!' – ahih hangin amau' thunget ngahlo uh hi. Amau pen biakna tau kimkot ah diang, awng, kikui uh hi. Amau in dawn'na bangmah ngahlo uh hi (*1 Kum. 18:26, 29*).

**Elijah' thungetna kidawng.** Elijah in biakna tau kimkot ah tui tampi buak in thu ngen hi (*1 Kum. 18:33-35*). Pasian in zong a thunget dawn in mei khiat suk in biakpiakna gansa valh tum hi. Elijah in a thunget awging tawh kidawn' lam zalo hi. Pasian in a thunget za hi cih mei khia-in lak hi.

Guah zu tading ahilh manin Elijah in kumpipa an ne, tui dawn in om sak hi (*1 Kum. 18:41*). Guah kipat sawm hiam cih Elijah in a nasempa sagih vei tak va vil sak hi. Guah hong zuk ciangin bel tawh kibua bang liang in Elijah in kumpipa guah thuak khak loh nadingin ompih hi. Hih tak ah zong Elijah in Pasion' kilaakna awging za khalo-in guah zukna in Pasion in a thunget za hi cihlak hi.

Pasion in Carmel mual ah mei khia suk hi cih Ahab in Jezebel kiang a gen hangin Jezebel in nial lai veve hi. Amah'n Elijah thah sawm-a Elijah zong hong lau hi. Elijah zong amah lo siah midang khempueh Topa taisan uh hi ci in ko hi (*1 Kum. 19:10; 1 Kum. 18:22 tawh saikaak in*). Jezebel in amah a thah sawm ciangin Elijah zong a khasiatna ah patauhna in beh lap hi (*1 Kum. 19:3*).

**Aw neem.** Elijah zong Jezebel lau in kuahawm sung ah bu hi. Tua lai tak in Pasion' hopihna kizak masakna thu kimu hi. Pasion in "Elijah aw, hih lai-ah bang hih nahi hiam?" ci hi (*1 Kum. 19:9*). Elijah zong Israel gam ah Topa tung ah a citak amah bek om cih a lungkiatna gen hi (*1 Kum 19:10*). Pasion in bangmah na dawnglo hi. Atawpna ah bel Pasion in na dawng hi. A aw pen huihpi ging; zinling; meikuangte ah kizalo hi (*1 Kum 19:11, 12*). Elijah in a lamet loh "aw neem" za hi (*1 Kum. 19:12*). Hebrew kam in *gol demamah dagah* pen "aw neem khat" cihna hi. Tua ciang bekin Elijah in Pasion mai-ah a om lam kiphawk hi (*1 Kum. 19:13*). Lungsim a la mei katna ging, huih gingte pen Pasion' vangliatna lak hi. Tua bang-a awgingpi te sangin Pasion' aw neem in amah om hi cih lak penpen hi.

**Ki-ap le lametna tawh thungetna: Daniel (*Dan. 9:3-19*).** Daniel' thunget pen lai simna, Pasion thu siamna hilo hi. Hih pen a nai' a gamla thei khawm Pasion tawh kitheih takpi na lak hi. Pasion ei' nai ah omna in Daniel in a Pasion a hopih dan hong suak hi. *Adonai* "ka Topa" cih pen Pasion ei' nai-ah om cihna hi-in thungetna ah kilo mah mah min hi (*Dan. 9:4, 7, 9, 11-15, 19 [3x]*). Pasion agamla ah om cih pen *ha'elohim* cih min tawh kigen hi. Tua hitaleh gen sa bang mah in Daniel in Pasion pen "a lianle a kihtakhuai" na ci-in (*Dan. 9:4*), "ka Pasion" mah naci veve hi. Acitak Pasion (*Dan. 9:4*) le mawhnei, a citaklo mihingte (*Dan. 9:5*) kikaal kibatlohna in mihing' mawhna le Topa tawh a kinai kik nading a gamlatna phawk sak hi.

Athunget pen thuumna tawh tawp hi: '*adona* "Topa aw" pen thumvei kilo' hi. Thuumna khat sim ah Pasion' in hong ngai ding deihna 'verb'

kizangh hi: “Topa aw, hong za in!”

“Topa aw, hong maisak in!”

“Topa aw, hong ngai inla hong sem in!” (*Dan. 9:19*).

Daniel’ thunget pen Pasion’ mite’ hotkhiatna vai tawh kisai hi. Daniel pen thu khat bek en-in Pasion dawn’ kik ding ngaklah hi: “Gam tang in. Zekai kei in!” Hih thungetna nipi kaal 70 genkholhna thu kihilhna tawh kithuk-a (*Dan. 9:24-27*) Khazih a khat veina hong pai na thu honghilh hi. Tua theih nopna pen vantung mi dotna hi “bangtan vei?” tawh kibang hi (*Dan. 8:13*). Hih dotna pen Zeisu nih veina hong pai kik ding dong a huam nitak- zingsang 2300 mangmuhna ah kidawng ding hi (*Dan. 8:14*).

### **Khen III: Nuntakna-ah Zatpah Ding**

**Siate’ ading.** Hih takah Matthew 6:9-13 sunga Zeisu’ hilh thungetna mit suan un. Tua mun mi khat sim khia sak in. Honpa’ thungetna anuai-a kigen bangin nisim khuasak na ah a zangh dingin gen in. A thunget bang un a ciin’ man un bang tuak uh hiam cih mai Sabbath kikteah a gen ding in sawl in.

**Thukhun 1: Vantung a om kote Pa aw:** Thu na nget ciangin Pasion pen na kiang-a om Pa lah hi vantung ah om lah hi cih phawk in.

**Thukhun 2: Na Kumpigam hong piang taken:** Thu na nget ciangin mai lam ah kiphut ding lungnopna, thu tan’na, itna a om ding Pasion’ kumpi gam thu ngaihsun kawm in. Tua lametna midang tawh ne, dawn, sem, kimawl nate ah nuntakpih in.

**Thukhun 3: Vantung ah na deihna a kisp mah bangin leitung ah zong kispem taken.** Na gamtat luheekna ah khensatna na bawlnate ah hih thu phawk in. Na lunggulh khempueh Pasion kiang ah suah in. Ki-ap nop na lungsim pen midangte tawh kikhohlhna ah midangte awlmawhna pen van gim nam kholhna hi.

**Thukhun 4: Tuni a ka nek ding uh an hong pia in:** Citpiaknate ah kihel hi. Na naneeck ciang kilawm kituak-in ne’ in, uang neek lo dingin Pasion an hong vakna lungdam ko in.

**Thukhun 5: Ko tunga hong khialte ka maisak uh bangin kote khialh na zong hong maisak ta in:** Nang tungah a khial mi khat ading Pasion in amaisak dingin ngen inla tua khitteh tua pa/nu na maisak theih na lungsim Pasion kiang ah ngen in. Nang tawh an ne’khawm dingin zawn (Kha

